



# **Universitätsbibliothek Paderborn**

**Ivdex Magistratvs Senator**

**Zype, Franciscus van der**

**Antverpiæ, 1633**

Cap. XXXVII. An Ecclesiasticus?

**urn:nbn:de:hbz:466:1-14280**

bus placuit eo iure non uti, nisi adersum nationes, que par ius in Hollandos usurparent. Alia oppida ius habent specialius, ne quem admittant, nisi genitum certos intra fines, vt intra Mosam & Zypam. atque omnes ferè Belgicæ ditiones eodem nunc iure utuntur, vt ab officiis exteris arceant; etiam Belgas, qui tale ius domi in alios statuunt. vnde non male quidam dissertant, an non utilius Brabantis foret Hollaendorū exemplo aliis Belgis apud se locū facere, vt & alibi capiant, præsertim Belgicæ Principibus aut Legatis ferè semper intra suos fines Bruxellis agentibus. vbi ex propinquo promptior gratia.

## C A P V T . X X X V I I .

## An Ecclesiasticus.

**C**lerici negotiis secularibus immiscere se non possunt.  
 Tot. tit. ne cler. secular se negot. ex Apostolo, Nemo militans  
 Deo, implicet se negotiis secularibus. Sed & Concil. Lateran. decreuit, ne procurations villarum aut iurisditiones etiam  
 sacerdtales sub aliquibus Principibus, & secularibus viris, vt iu-  
 stitiarius eorum fiat clericorum quisquam exercere præsumat.  
 c. sed & x. ne cler. secular. negot. Plenius id tradit & temperat  
 Borel. de Magist. l. i. c. 10. Confen. polit. l. 6. c. 8. 9. sed & nos aliquid  
 diximus in Iur. pontif. nou. Anal. de foro cōpet. n. 54. Sancte procurations  
 atque inferiora officia clerum tam dedecent, quam vo-  
 cationis exercitia impediunt. Cæterum ad Imperatorum Re-  
 gumque consilia iam olim adhibitos fuisse Prælatos, aliosque  
 inferioris gradus clericos, tam veteres passim membranæ, &  
 historiæ testantur, quam constitutio Frederici in Auth. habita.  
 C. ne filius pro patre. & multorum etiam hodie populorum usus,  
 vbi inter prouinciarum Ordines, plerumque clerus primum  
 locum obtinet, & publici status negotiis ex dignitatis officio  
 interuenit, & suffragiis decidit. quo etiam non male respexisse  
 videri potest Conc. Trident. ses. 23. c. 1. vbi diligenter Prælatorū  
 absentiam ab Ecclesiis suis prohibet, nisi cum euidenti Ecclesiæ,  
 vel Reip. utilitas aliud postulat. quæ tunc absentia à Pontifice  
 Romano aut Metropolitano sit probanda. Nisi, inquit, cum ab-  
 sentia inciderit propter munus & Reip. officium Episcopatibus adiunctū,  
 cuius quoniam causæ sunt notorie & interdū etiā repentina, nec eas qui-  
 dem significare Metropolitano necesse erit. Parlamenta pleraque, &  
 supre-

*An affu-  
mendus sit  
extra res  
sacras sta-  
tuendum  
pro genio  
genit. s.*

suprema concilia initio quidem ex Protinciarum Ordinibus constituta sunt, & in iis Prælati etiam hodiè Parisiis, atque alibi locum vindicant. Sed olim quidem conuentus eorum celebrabantur ad paucos dies, aderantque Prælati, decidebanturque lites, sed postquam ea concilia, ad perpetuam stationem (sessionem potius) deuenierunt, & in subsidium patriarcharum legum vocata sunt tota iuris Romani volumina, superueneruntque numerosa Principum edicta, infinita locorum statuta, & litigantium nullis iam terminis circumscripta malitia, litium scriptarum immensa firmata, & oceanus Bibliothecarum, ut iam iura & negotia mole ruant sua, nec iam breues Ordinum Conuentus, nec Prælatorum exigui temporis ab ecclesiis absentia expediendis causis sufficit, imò nec continua iudicium diligentia; recesserunt Prælati à foro, magna etiam parte ab aula, subrogatis alicubi inferioris Ordinis clericis, ex quorum absentia minus damnum Ecclesia caperet, & Resp. inuaretur. Sed an pietati maiorum, an felicitati illorum temporum adscribendum sit, quod Reip. negotiis cleris magis quam hodie admoueretur, an doctrinæ, quæ penes Ecclesiasticos tota penè erat, adeò vt vetere apud Gallos more clerici nomine litteratus aliquis indicetur, cum antiqui eorum nobiles arma tractarent tantum, plebs rus vexaret, & articia; atque hodie rebus mutatis, doctrinaque omni ordini communicata magis conueniat, ut quam quisque elegit spartham, in ea se exerceat: disquirendum iis relinquemus, qui pro genio quisque suæ gentis, & temporum ratione Remp. moderantur.

## C A P V T X X X V I I I .

senex.

Commeu-  
datio sen-  
atuis.

**I**N antiquo est Sapientia, & in multo tempore prudentia. Job. 12. Ideoque Magna fuit quondam capitum reverentia cani. Vnde proverbiū refert Anacletus, Gloria senum canities, c. porro d. 84. & porro Moysi præcipitur, vt eligat presbyteros, id est, seniores. & deinceps legimus apud Hebreos seniorum concilia. Exod. c. 5. Leuit. c. 8. Mat. c. 1. 11. & alibi, quam speciosa veteranis sapientia & glorioſis intellectus, & consilium, corona senum multa peritia, & gloria illorum timor Dei. Eccl. 25. Romulus centum ex senioribus elegit, quos Senatores propter senectutem,